

شيعه بالكرار واسوني

گلبي يلهب

* * * *

گلبي المحزون من يهجس غيابه
من يمر بخاطري دمه وصوابه
وادري اوداع الأبو علگم شرابه
أدفن اوياه المعزة والمهابه

حگي على حيدر أون بالنوح وانعي
گلت الأبو راحل ولا أیتتم صيامه

گلبي يلهب أني زينب

* * * *

وكاسي الينداف بالهم من يجرعه
وأعلى خدي تنهمر دمه أعلى دمه
والجمر في گلبي يا مگساه لسعه
وادري الدمعات طيفك ما ترجعه

وگلبي إلك ماتم من الحسرة فرشته
طعنة رحيلك في الگلب أبلغ علامه

گلبي يلهب أني زينب

* * * *

للرزيا والدمع يكتب حروفه
واليتامي حوله بدمعه ذروفه
حسره من دهر الأسى وكثرة صرُوفه
من تعاین طبرته ودامي تشوفه

مامر على بالي اشوفه بوسط تابوت
وجسمي وي جسمه يندفن ركن الإمامه

گلبي يلهب أني زينب

شيعه بالكرار واسوني

آني زينب

يا عذابه يا مصابه
ليلي وحشه آه ودهشه
شلون اودعه وأجري دمه
ومن يسافر للمگاب

بعيوني مزروع الحزن يرويه دمعي
من نادى جبريل وعبر هالصوت سمعي

بالمصايب عميت اعيوني

گلبي مجروح حلمي مذبوح
أسهر الليل أشتل الويل
حسي مبجوح بكثرة النوح
أنزف أعتاب آه يبو تراب

يا بويه دم الطبره بدموعي غسلته
تدري بمصابي وتدري بالهم اللي شفته

حاييره وما يسكن ونييني

جرحي ما طاب قلبي اكتاب
حيدر ايبات وجرحه افرات
هامه مطبور دمه ايفور
بعده ليتام تلطم الهام

حيدر ابو الحملات هذا امفزع الموت
ياريت سيف الصوبه في راسي ايفوت

بعد حيدر لا تلوموني